

Tsalènde

A Tsalènde
de tseu le-s-an
veun
l'Anfan Jésus.
Tseu le-s-an
lo petsou mèina
no porte
lo mèssadzo d'amour
lo mèssadzo de péce :
«Pax in terra, hominibus
Bonae voluntatis»,
l'est do-meulle an
que à Tsalènde
ci mèina no porte
lo mèssadzo
de péce
l'est do-meulle an
que le-s-ommo
son pa bon
de trovè

la pèce
et conteneuvon
de se fère la guéra,
de tseut cotè.
Iaou son-ti
le-s-ommo
de bonna volontaye
que l'an reçu
lo mèssadzo de péce
çalla nête à Beutéleèn ?
Iaou son-ti ?
Se son-ti catsà ?

AA.VV. (2011), *Petite anthologie d'auteurs valdôtains*. Région autonome de la Vallée d'Aoste, Assessorat de l'éducation et de la culture. Aoste : Le Château Éditeur.